

عزة النفس

زانت ايام عمري .. شانت ايامه
مارجيت العزى من رحمة الناسي
من عجز لايدوس الهم باقدامه
لازم انه مع الايام ينداسي
يندمل جرح القلب .. ماتت احلامه
بس ما اظن يبرى جرح الاحساسي
يوم صارت مابين القلب والهامة
وش ابي بالحياة الياانحنى راسي

مساعد الرشيدى

ينجرح قلب.. لكن ترتفع هامه
والله امي لاموت ولاانحنى راسي
لو رمانى زمانى وسط.. دوامه
العواصف شديده .. والجبل راسي
أنقل الحزن وامشي منتصب قامه
قاسى الوقت .. لكنى بعد قاسى
واسمع الحلم يصرخ لحظه اعدامه
رابط الجاش ... ماهز الخبر باسى
عزتى غاليه .. والناس سوامه
قلت ما بيع حتى تقطع انفاسى

كبرياء فرعون

كبرياء فرعون وحنكة حزموت والغرور
يشبه غرور المدمر هتلى تعرفين
وبالطغاة مثل صدام العراقى ما أشور
أتوكل وأفعل اللى شافته عين(ن) وعين
أفهمى قصدي وعقلج لا يجى عندي يخور
ماهو انتى يافلانه من قدر فينى يهين
حاولو قبلج اوادم دمهم دايم يثور
ومقدر بللى تبينه جان قصدج ماتبين
سعد علوش

الوفى خصمج وكرهج له باين بالصدور
تعشقين الغدر وقلبج ماوفى بقلب(ن) حزين
لاهيته بالغدر وأيدج بس تطعن بالضهور
ومدرى شنهو تستفيده لا بغيتى تطعنين
جايده دورج ولكن ماتصيدينى بدور
انا لامنى عشقت غصب انتى تعشقين
والغدر اللى تبينه ما أظن عندي يدور
لنى أملك من وصوف(ن) صعبه انج تملكين
صبر أيوب وخداع إبليس جعله مايثور
وقوة الفارس صلاح الدين اللى له ندين

